

Član 39.

Osnivač na kraju poslovne godine odlučuje o raspodjeli dobiti.

Član 40.

Ako Preduzeće u poslovanju po završnom računu iskaže gubitak, taj gubitak će se prvenstveno pokriti iz sredstava Preduzeća, koja se u skladu sa propisima mogu koristiti za pokrivanje gubitka. Ukoliko se gubitak ne može pokriti iz sredstava Preduzeća pokreće se postupak u skladu sa zakonom.

XII - OPĆI AKTI PREDUZEĆA

Član 41.

Opći akti Preduzeća su Statut i drugi akti kojima se na opći način regulišu odnosi u Preduzeću.

Preduzeće je obavezno da, u roku od 60 dana od donošenja ove odluke, donese Statut i druga akta Preduzeća.

XIII - TRAJANJE I PRESTANAK PREDUZEĆA

Član 42.

Preduzeće je osnovano na neodređeno vrijeme i traje dok postoje ekonomski i zakonski uslovi za njegovo postojanje.

Preduzeće prestaje:

- odlukom Osnivača, i
- u slučajevima predviđenim zakonom.

XIV - NAČIN IZMIRENJA TROŠKOVA USKLAĐIVANJA PREDUZEĆA I POSLJEDICE NEUSPJELOG USKLAĐIVANJA

Član 43.

Troškove usklađivanja statusa Preduzeća snosi Preduzeće.

XV - PRELAZNE I ZAVRŠNE ODREDBE

Član 44.

Na pitanja koja nisu regulisana odredbama ove odluke shodno se primjenjuju odredbe Zakona o javnim preduzećima u Federaciji Bosne i Hercegovine i Zakona o privrednim društvima i Zakona o ravnopravnosti spolova u Bosni i Hercegovini.

Sve funkcije navedene u organima preduzeća odnose se na oba spola.

Skupština Kantona Sarajevo će u roku od 6 (šest) mjeseci od dana stupanja na snagu ove odluke odrediti koja prirodna bogatstva i dobra od općeg interesa i sredstva kojima posluje javno preduzeće su u državnom vlasništvu, odnosno vlasništvu Kantona Sarajevo.

Vrijednost i vlasnička struktura kapitala u KJKP "Gras" Sarajevo sa stanjem 31.12.2005. godine, utvrdit će se u roku od 12 (dvanaest) mjeseci od dana stupanja na snagu ove odluke.

Član 45.

Stupanjem na snagu ove odluke prestaje primjena Odluke o organizovanju JKP "Gradski saobraćaj" Sarajevo ("Službene novine Grada Sarajeva", broj 8/93), Odluke o preuzimanju prava osnivača Javnog komunalnog preduzeća "Gradski saobraćaj" Sarajevo ("Službene novine Kantona Sarajevo", broj 11/97), Odluke o izmjenama i dopunama Odluke o osnivanju JKP "Gradski saobraćaj" Sarajevo broj 01-023-111/98 od 16.07.1998. godine i Odluke o dopunama Odluke o osnivanju JKP "Gradski saobraćaj" Sarajevo broj 01. 27-188/01 od 10.05.2001. godine.

Član 46.

Ova odluka stupa na snagu danom objavljivanja u "Službenim novinama Kantona Sarajevo".

Broj 01-05-30033/05
10. novembra 2005. godine
Sarajevo

Predsjedavajuća
Skupštine Kantona Sarajevo
Meliha Alić, s. r.

Na osnovu članova 12. i 18. stav 1. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), članova 2. i 311. Zakona o privrednim društvima ("Službene novine Federacije BiH", broj 23/99, 45/00, 2/02, 6/02 i 29/03) i člana 6. Zakona o javnim preduzećima Federacije Bosne i Hercegovine ("Službene novine Federacije BiH", broj 8/05) i Odluke o standardnoj klasifikaciji djelatnosti u Federaciji Bosne i Hercegovine ("Službene novine Federacije BiH", broj 28/98, 36/98 - Ispravka i 47/98 - Ispravka), Skupština Kantona Sarajevo, na sjednici od 10. novembra 2005. godine, donijela je

ODLUKU

O USKLAĐIVANJU STATUSA JAVNOG PREDUZEĆA "TELEVIZIJA KANTONA SARAJEVO" SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

I - OSNOVNE ODREDBE

Član 1.

Ovom odlukom Kanton Sarajevo, ulica Reisa Džemaludina Čauševića broj 1 Sarajevo (u daljnjem tekstu: osnivač) usklađuje osnivački akt, oblik, firmu i način upravljanja Javnog preduzeća "Televizija Kantona Sarajevo" u skladu sa Zakonom o javnim preduzećima u Federaciji Bosne i Hercegovine (u daljnjem tekstu: Zakon o javnim preduzećima), utvrđuje visinu osnovnog kapitala, vrši usklađivanje djelatnosti Preduzeća u unutrašnjem prometu u skladu sa Odlukom o standardnoj klasifikaciji djelatnosti u Federaciji BiH i vrši upis prava obavljanja vanjskotrgovinskog poslovanja u skladu sa zakonom.

Član 2.

Preduzeće u skladu sa Zakonom o javnim preduzećima mijenja oblik i djelovat će kao društvo sa ograničenom odgovornošću (u daljnjem tekstu: Preduzeće).

Član 3.

Preduzeće je pravni sljednik Javnog preduzeća "Televizija Kantona Sarajevo" sa potpunom odgovornošću registrovanog Rješenjem Kantonalnog suda u Sarajevu broj: UF/I-1277/98 od 15.05.1998. godine sa kasnijim izmjenama pod brojem UF/I-1935/02 od 26.11.2002. godine i ima svojstvo pravnog lica sa pravnim i poslovnim sposobnošću.

Član 4.

Sva imovina i sredstva Preduzeća su vlasništvo osnivača.

II - FIRMA I SJEDIŠTE PREDUZEĆA

Član 5.

Preduzeće će poslovati pod firmom: Javno preduzeće "Televizija Kantona Sarajevo" Društvo sa ograničenom odgovornošću Sarajevo.

Skraćeni naziv: JP "TVSA" d.o.o. Sarajevo.

Član 6.

Sjedište Preduzeća je u Sarajevu u ulici Bulevar Meše Selimovića broj 12.

Član 7.

Preduzeće ima pečat okruglog oblika i štambilj pravougaonog oblika u kome je ispisan puni naziv firme.

Vrstu pečata i štambilja, način upotrebe i čuvanje utvrđuje se općim aktom koji donosi Uprava Preduzeća.

III - DJELATNOST PREDUZEĆA

Član 8.

Preduzeće obavlja djelatnosti, i to:
92. 20 92. 200 - Radio i televizijska djelatnost,

- 64. 20 64. 200 - Telekomunikacije,
- 74. 40 74. 400 - Reklama i propaganda,
- 22. 14 22. 140 - Izdavanje zvučnih zapisa,
- 22. 31 22. 310 - Umnožavanje (reprodukcija) zvučnih zapisa,
- 22. 32 22. 320 - Umnožavanje (reprodukcija) videozapisa,
- 92. 11 92. 110 - Snimanje filmova i videofilmova,
- 52. 61 52. 610 - Trgovina na malo putem pošte,
- 71. 34 71. 340 - Iznajmljivanje ostalih mašina i opreme, d.n.,
- 74. 13 74. 130 - Istraživanje tržišta i ispitivanje javnog mnijenja.

Član 9.

Djelatnost Preduzeća u vanjskotrgovinskom poslovanju glasi:

- Vanjskotrgovinski promet u okviru registrovane djelatnosti,
- Usluge u vanjskotrgovinskom prometu u okviru registrovane djelatnosti,
- Zastupanje stranih lica u okviru registrovane djelatnosti,
- Posredovanje i zastupanje u prometu roba i usluga.

Član 10.

Preduzeće može obavljati poslove samo u okviru djelatnosti upisane u sudski registar.

Preduzeće može obavljati i druge poslove koji se uobičajeno obavljaju uz djelatnosti upisane u sudski registar, u obimu i na način koji su potrebni za poslovanje, a ne predstavljaju obavljanje tih poslova kao redovne djelatnosti.

Član 11.

U svrhu produkcije i emitovanja televizijskog programa Preduzeće može sklapati ugovore o poslovno-tehničkoj saradnji sa drugim preduzećima čija je djelatnost emitovanje televizijskog programa.

Član 12.

Program Preduzeća uređivat će se i proizvoditi u skladu sa zakonom i programskom koncepcijom osnivača, uz poštovanje profesionalnih standarda, novinarske etike i drugih uobičajenih pravila i kriterija profesije.

Član 13.

Druga pravna i fizička lica, ne mogu, bez saglasnosti Preduzeća emitovati programske sadržaje Preduzeća, niti vršiti njihovo snimanje u svrhu umnožavanja i daljne prodaje.

Lica iz prethodnog stava mogu, u skladu sa zakonom, emitovati samo kratke izvode iz kulturnih, sportskih i drugih događaja, od interesa za javnost, koje Preduzeće direktno prenosi.

IV - IZNOS OSNOVNOG KAPITALA PREDUZEĆA

Član 14.

Osnovni kapital Preduzeća čini novac iskazan u iznosu od 10.000,00 KM, odnosno 100% udjela.

Osnovni iznos kapitala se ne može smanjivati ispod iznosa utvrđenog zakonom.

Osnivač može u toku godine povećati vrijednost osnovnog kapitala Preduzeća novim ulaganjem.

Član 15.

Povećanje i smanjenje osnovnog kapitala vrši se na osnovu odluke osnivača.

Član 16.

Preduzeće ima fond rezervi koji iznosi 25% osnovnog kapitala Preduzeća. Pored navedenog fonda Preduzeće može formirati i fond rezervi za potrebe uposlenih, a način i postupak njihovog formiranja kao i izdvajanje i korištenje sredstava utvrđuje se Statutom Preduzeća.

V - PRAVA, OBAVEZE I ODGOVORNOSTI U PRAVNOM PROMETU

Član 17.

Sredstva Preduzeća su u pravnom prometu.

Preduzeće u pravnom prometu zaključuje ugovore i vrši druge pravne poslove i radnje u okviru svoje pravne sposobnosti.

Član 18.

Preduzeće odgovara za svoje obaveze cjelokupnom imovinom osnivača koja mu je data na korištenje.

Preduzeće odgovara i za obaveze drugih društava preuzete ugovorom.

VI - ORGANI PREDUZEĆA

Član 19.

Organi Preduzeća su:

1. Skupština,
2. Nadzorni odbor,
3. Uprava (menadžment), kao organi upravljanja i,
4. Odbor za reviziju

Član 20.

1. Skupština odlučuje o:

- donošenju Statuta Preduzeća i njegovim izmjenama i dopunama,
- raspodjeli godišnje dobiti i pokriću gubitaka,
- povećanju i smanjenju osnovnog kapitala,
- osnivanju novih preduzeća,
- planu poslovanja, odnosno revidiranom planu poslovanja u skladu sa članom 23. Zakona o javnim preduzećima u Federaciji BiH,
- poslovniku ili poslovnicima na prijedlog Nadzornog odbora,
- etičkom kodeksu na prijedlog Nadzornog odbora,
- imenovanju i razrješenju Nadzornog odbora i Odbora za reviziju,
- usvajanju godišnjeg izvještaja Preduzeća koji uključuje finansijski izvještaj i izvještaj revizora, Nadzornog odbora i Odbora za reviziju,
- promjeni oblika i podjeli Preduzeća,
- naknadama članovima Nadzornog odbora i Odbora za reviziju,
- ostalim pitanjima u skladu sa Zakonom o privrednim društvima, Zakonom o javnim preduzećima i Statutom Preduzeća.

Član 21.

2. Nadzorni odbor nadležan je da:

- nadzire rad Uprave i poslovanje Preduzeća,
- priprema i predlaže Etički kodeks, poslovničke i druge akte koje usvaja Skupština Preduzeća,
- vrši izbor kandidata Odbora za reviziju i podnosi prijedlog za njegovo imenovanje Skupštini u skladu sa zakonom,
- razmatra i nadzire postupak javnih nabavki,
- predlaže raspodjelu profita, daje upute direktoru za provođenje mjera i aktivnosti prilikom uočenih propusta,
- imenuje i razrješava članove Uprave,
- odlučuje o ostalim pitanjima u skladu sa Zakonom o javnim preduzećima, Zakonom o privrednim društvima i Statutom Preduzeća.

Član 22.

Vršenje pojedinih poslova iz prethodnog člana Nadzorni odbor može povjeriti jednom od svojih članova, a predsjednik Nadzornog odbora je solidarno odgovoran sa članom Nadzornog odbora.

Član 23.

Nadzorni odbor ima predsjednika i 4 (četiri) člana.

Prilikom imenovanja Nadzornog odbora primjenjivat će se odredbe Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03 i 34/03) i odredbe Zakona o sukobu interesa u institucijama BiH ("Službeni glasnik BiH", broj 13/02, 16/02, 14/03 i 12/04).

Član 24.

Predsjednik i članovi Nadzornog odbora imenuju se istovremeno na period od četiri godine.

Za predsjednika i člana Nadzornog odbora ne mogu biti imenovana lica:

- osuđivana za krivična djela i privredne prijestupe nespojive sa dužnošću u Nadzornom odboru, pet godina od dana pravosnažnosti presude, isključujući vrijeme trajanja zatvorske kazne,
- kojem je presudom suda zabranjeno obavljanje aktivnosti u nadležnosti Nadzornog odbora,
- starija od 70 godina na dan imenovanja.

Član 25.

Sjednica Nadzornog odbora održava se najmanje jednom u tri mjeseca.

Sjednicu Nadzornog odbora saziva predsjednik Nadzornog odbora.

Član 26.

Rad Nadzornog odbora bit će regulisan Poslovníkom o radu Nadzornog odbora.

Član 27.

3. Uprava

Uprava zastupa Preduzeće i vodi njegovo poslovanje.

Uprava je nadležna za:

- izvještavanje Nadzornog odbora na zahtjev Nadzornog odbora,
- provedbu Etičkog kodeksa,
- izradu i nadgledanje realizacije planova poslovanja,
- izradu provedbenih propisa za postupak nabavki i provedbu važećih zakona i propisa o postupku nabavki,
- pripremu prijedloga o raspodjeli profita,
- zapošljavanje i otpuštanje zaposlenika u skladu sa postupcima utvrđenim u Poslovníku ili poslovnícima te važećim zakonima.

Funkciju Uprave vrši direktor i izvršni direktor Preduzeća.

Upravu bira Nadzorni odbor većinom glasova na osnovu javnog konkursa iz reda kandidata, koji najbolje odgovaraju za obavljanje poslova i ne mogu imati funkciju u političkim strankama.

Direktor može vršenje neposrednog nadzora iz nadležnosti uprave povjeriti izvršnom direktoru, ali i dalje ostaje solidarno odgovoran sa izvršnim direktorom za izvršavanje propisanog posla.

Član 28.

Direktor predsjedava Upravom, rukovodi poslovanjem, zastupa i predstavlja Preduzeće i odgovara za zakonitost poslovanja.

Član 29.

Direktor Preduzeća ovlašten je da u ime Preduzeća zaključuje ugovore i vrši druge pravne radnje, kao i da Preduzeće zastupa pred sudom i drugim organima.

Direktor Preduzeća podnosi prijavu za upis u sudski registar i preduzima sve druge radnje vezane za registraciju Preduzeća.

Član 30.

Direktor Preduzeća može putem prokure prenijeti ovlaštenje na druga lica u društvu ili van njega u skladu sa Zakonom privrednim društvima.

Član 31.

Direktor Preduzeća organizuje i rukovodi procesom rada i vodi poslovanje Preduzeća, samostalno donosi odluke, zastupa Preduzeće u odnosima prema trećim licima i odgovoran je za zakonitost rada osnivaču.

Član 32.

Direktor Preduzeća Nedim Đuhrić, diplomirani redatelj, nastanjen u Sarajevu u ulici Hamze Hume broj 2, zastupa i predstavlja Preduzeće u unutrašnjem i vanjskotrgovinskom prometu, bez ograničenja, do raspisivanja konkursa i izbora i imenovanja direktora po konkursu.

Član 33.

4. Odbor za reviziju

Odbor za reviziju dužan je da:

- vrši reviziju finansijskog poslovanja Preduzeća i o utvrđenom stanju u roku od osam dana od dana okončane revizije dostavi izvještaj Skupštini i Nadzornom odboru Preduzeća,
- imenuje vanjskog revizora i direktora odjela za internu reviziju,
- razmotri godišnju studiju rizika i plan revizije, te preduzme mjere i aktivnosti na korekciji utvrđenih propusta,
- osigura uslove odjelu za internu reviziju da izvrši svoj posao u skladu sa planom revizije i izvršava svoje obaveze u skladu sa važećim standardima,
- preduzima mjere da interna kontrola u Preduzeću bude adekvatna i efikasna,
- podnosi mjesečne izvještaje Nadzornom odboru Preduzeća o radu i preduzetim mjerama.

Odbor za reviziju je dužan svoje nadležnosti vršiti u skladu sa odredbama Zakona o Javnim preduzećima i Zakonom o privrednim društvima.

VII - UNUTRAŠNJA ORGANIZACIJA PREDUZEĆA

Član 34.

Preduzeće posluje kao jedinstveni pravni subjekt, a može imati i svoje podružnice koje će u pravnom prometu istupati u ime i za račun Preduzeća u granicama ovlaštenja koje dobije od osnivača.

Unutrašnja organizacija Preduzeća utvrdit će se Statutom Preduzeća

VIII - USLOVI ZA OBAVLJANJE VANJSKOTRGOVINSKE DJELATNOSTI

Član 35.

Preduzeće vanjskotrgovinsku djelatnost obavlja u skladu sa zakonom, pridržavajući se dobrih poslovnih običaja i poslovnog morala sa pažnjom dobrog privrednika.

Preduzeće je posebno dužno da u spoljnotrgovinskom poslovanju vodi računa o zaštiti ugleda i interesa Bosne i Hercegovine.

IX - PRAVA I OBAVEZE OSNIVAČA I ZAPOSLENIH RADNIKA

Član 36.

Preduzećem upravlja Skupština Preduzeća.

Prava i obaveze Skupštine Preduzeća vrši osnivač.

U ime osnivača prava i obaveze Skupštine Preduzeća vrši Vlada Kantona Sarajevo.

naknadu za svoj rad, koja se utvrđuje Odlukom Vlade Kantona Sarajevo.

Imenovanje i razrješenje predsjednika i članova Skupštine Preduzeća vrši se na način da iste, na prijedlog Ministarstva saobraćaja Kantona Sarajevo, uz saglasnost Vlade Kantona Sarajevo, potvrđuje Skupština Kantona Sarajevo.

Proceduru imenovanja predsjednika i članova Skupštine Preduzeća provodi Ministarstvo saobraćaja Kantona Sarajevo, u skladu sa Zakonom o ministarskim, vladinim i drugim imenovanjima Federacije Bosne i Hercegovine.

Skupština preduzeća dužna je u roku od 15 dana od dana imenovanja usvojiti Poslovnik o radu Skupštine.

Razrješenje predsjednika i članova Skupštine Preduzeća vrši se na način predviđen stavom 4. ovog člana, a proceduru mogu pokrenuti Ministarstvo saobraćaja, Vlada Kantona Sarajevo i Skupština Kantona Sarajevo.

Organi preduzeća podnose izvještaj o radu Preduzeća, Vladi Kantona Sarajevo i Skupštini Kantona Sarajevo, kao osnivaču".

Član 9.

Statut Preduzeća uskladit će se sa odredbama ove Odluke u roku od 30 dana njenog stupanja na snagu.

Član 10.

Član 4. ove Odluke primjenjivat će se po isteku mandata sadašnjeg predsjednika i članova Nadzornog odbora Preduzeća.

Član 11.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-23459/09 Predsjedavajući
3. septembra 2009. godine Skupštine Kantona Sarajevo
Sarajevo Dr. Denis Zvizdić, s. r.

Na osnovu člana 18. tačka m) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), člana 4. stav 2. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03 i 34/03) i člana 10. Odluke o osnivanju skupština javnih preduzeća čiji je osnivač Kanton Sarajevo, broj 01-05-23451/09 od 3. septembra 2009. godine, Skupština Kantona Sarajevo, na sjednici održanoj 3. septembra 2009. godine, donijela je

ODLUKU

O POTVRĐIVANJU IMENOVANJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA "GRAS" D.O.O. SARAJEVO

I.

Ovom Odlukom potvrđuje se imenovanje vršilaca dužnosti predsjednika i dva člana Skupštine Kantonalnog javnog komunalnog preduzeća "Gras" d.o.o. Sarajevo (u daljnjem tekstu: Skupština Preduzeća), i to:

1. HAMDO KARIĆ, vršilac dužnosti predsjednika Skupštine,
2. GORDANA LALEVIĆ, vršilac dužnosti člana Skupštine,
3. OSMAN LINDOV, vršilac dužnosti člana Skupštine

II.

Vršioći dužnosti iz tačke I. ove Odluke imenuju se na period do donošenja odluke o konačnom imenovanju.

III.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-23459-1/09 Predsjedavajući
3. septembra 2009. godine Skupštine Kantona Sarajevo
Sarajevo Dr. Denis Zvizdić, s. r.

Na osnovu člana 12. tačka i) i člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), čl. 2. i 311. stav 2. Zakona o privrednim društvima ("Službene novine Federacije BiH", broj 23/99, 45/00, 2/02, 6/02, 29/03, 68/05, 91/07 i 84/08) i člana 2. stav 2. Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05, 81/08 i 22/09), Skupština Kantona Sarajevo, na sjednici održanoj 3. septembra 2009. godine, donijela je

ODLUKU

O IZMJENAMA I DOPUNAMA ODLUKE O USKLAĐIVANJU STATUSA JAVNOG PREDUZEĆA "TELEVIZIJA KANTONA SARAJEVO" SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

Član 1.

U Odluci o usklađivanju statusa Javnog preduzeća "Televizija Kantona Sarajevo" sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", br. 33/05 i 30/08), član 6. mijenja se i glasi:

"Član 6.

Sjedište Preduzeća je u Sarajevu, ulica Alipašina bb - OSC "Zetra".

Član 2.

Član 8. mijenja se i glasi:

"Član 8.

Preduzeće obavlja djelatnosti i to:
22.14 22.140 Izdavanje zvučnih zapisa
22.31 22.310 Umnožavanje (reprodukcija) zvučnih zapisa
22.32 22.320 Umnožavanje (reprodukcija) videozapisa
52.61 52.610 Trgovina na malo preko kuća koje robu prodaju preko pošte
64.20 64.200 Telekomunikacije
71.34 71.340 Iznajmljivanje ostalih mašina i opreme, d.n.
74.13 74.130 Istraživanje tržišta i ispitivanje javnog mnijenja
74.40 Reklama i propaganda
92.11 92.110 Filmska i video proizvodnja
02.20 92.200 Radio i televizijske djelatnosti."

Član 3.

U članu 16. druga rečenica briše se.

Dodaje se stav 2. koji glasi:

"Statutom Preduzeća propisuju se statutarne rezerve, utvrđuje namjena i način njihovog korištenja."

Član 4.

U članu 21. alineja 1. briše se.

Alineja 5. mijenja se i glasi:

"- daje mišljenje Skupštini o prijedlogu Uprave o rasporedu dobiti".

Alineja 6. mijenja se i glasi:

"- imenuje i razrješava Upravu u skladu sa Statutom preduzeća".

Član 5.

U članu 23. st 1. i 2. mijenjaju se i glase:

"Nadzorni odbor ima predsjednika i dva člana.

Prilikom imenovanja članova Nadzornog odbora, primjenjivat će se odredbe Zakona o privrednim društvima, Zakona o javnim preduzećima u Federaciji Bosne i Hercegovine i Statuta Preduzeća."

Član 6.

U članu 27. stav 2. alineja 5. riječ "profita" zamjenjuje se riječju "dobiti".

U stavu 4. riječi: "Upravu bira Nadzorni odbor većinom glasova" zamjenjuje se riječima: "Uprava se bira, imenuje i razrješava u skladu sa postupkom utvrđenim u Statutu Preduzeća." ;

Član 7.

Član 32. briše se.

Član 8.

U članu 33. stav 1. alineja 3. riječ "studiju" zamjenjuje se riječju "strategiju".

Član 9.

Član 36. mijenja se i glasi:

"Član 36.

Preduzeće ima Skupštinu koja se sastoji od predsjednika i dva člana.

Mandat članova Skupštine Preduzeća je dvije godine.

Predsjednik i članovi Skupštine Preduzeća imaju pravo na naknadu za svoj rad, koja se utvrđuje odlukom Vlade Kantona Sarajevo.

Imenovanje i razrješavanje predsjednika i članova Skupštine Preduzeća vrši se na način da iste, na prijedlog Ministarstva pravde i uprave Kantona Sarajevo, uz saglasnost Vlade Kantona Sarajevo, potvrđuje Skupština Kantona Sarajevo.

Proceduru imenovanja predsjednika i članova Skupštine Preduzeća provodi Ministarstvo pravde i uprave Kantona Sarajevo, u skladu sa Zakonom o ministarskim, vladinim i drugim imenovanjima Federacije Bosne i Hercegovine.

Skupština preduzeća dužna je u roku od 15 dana od dana imenovanja usvojiti Poslovnik o radu Skupštine.

Razrješavanje predsjednika i članova Skupštine Preduzeća vrši se na način previden stavom 4. ovog člana, a proceduru mogu pokrenuti ministar pravde i uprave, Vlada Kantona Sarajevo i Skupština Kantona Sarajevo.

Organi preduzeća podnose izvještaj o radu Preduzeća, Vladi Kantona i Skupštini Kantona Sarajevo, kao osnivaču".

Član 10.

Statut Preduzeća uskladiće se sa odredbama ove Odluke u roku od 30 dana od dana njenog stupanja na snagu.

Član 11.

Član 5. ove Odluke primjenjivat će se po isteku mandata sadašnjeg predsjednika i članova Nadzornog odbora Preduzeća.

Član 12.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-23460/09
3. septembra 2009. godine

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu člana 18. tačka m) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), člana 4. stav 2. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03 i 34/03) i člana 10. Odluke o osnivanju skupština javnih preduzeća čiji je osnivač Kanton Sarajevo, broj 01-05-23451/09 od 3. septembra 2009. godine, Skupština Kantona Sarajevo, na sjednici održanoj 3. septembra 2009. godine, donijela je

ODLUKU

O IMENOVANJU VRŠILACA DUŽNOSTI PREDSJEDNIKA I ČLANOVA SKUPŠTINE JAVNOG PREDUZEĆA "TELEVIZIJA KANTONA SARAJEVO"

I.

Ovom Odlukom Skupština Kantona Sarajevo potvrđuje imenovanje vršilaca dužnosti predsjednika i dva člana Skupštine

Javnog preduzeća "Televizija Kantona Sarajevo" (u daljnjem tekstu: Skupština Preduzeća), i to:

1. PREDRAG MITROVIĆ, vršilac dužnosti predsjednika Skupštine,
2. AFRIM HAJDARI, vršilac dužnosti člana Skupštine,
3. HADIS KUSTURA, vršilac dužnosti člana Skupštine.

II.

Vršiooci dužnosti iz tačke I. ove Odluke imenuju se na period do donošenja odluke o konačnom imenovanju.

III.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-23460-1/09
3. septembra 2009. godine

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), čl. 2. i 311. stav 2. Zakona o privrednim društvima ("Službene novine Federacije BiH", broj 23/99, 45/00, 2/02, 6/02, 29/03 i 84/08) i člana 2. stav 2. Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05, 88/08 i 22/09), Skupština Kantona Sarajevo, na sjednici od 3. septembra 2009. godine, donijela je

ODLUKU

O IZMJENAMA I DOPUNAMA ODLUKE O USKLADIVANJU STATUSA KANTONALNOG JAVNOG PREDUZEĆA "ZOI '84" - OLIMPIJSKI CENTAR SARAJEVO D.O.O. SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

Član 1.

Član 13. Odluke o usklađivanju statusa preduzeća "ZOI '84" Olimpijski centar Sarajevo d.o.o. Sarajevo, sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", broj 11/06 i 26/08) mijenja se i glasi: "Statutom preduzeća propisuju se statutarne rezerve, utvrđuje namjena i način njihovog korištenja".

Član 2.

U članu 18. alineja 3. mijenja se i glasi:
" - imenuje i razrješava Upravu u skladu sa Statutom preduzeća".

Član 3.

Član 20. stav 2. mijenja se i glasi:
"Nadzorni odbor ima predsjednika i dva člana.
Prilikom imenovanja članova Nadzornog odbora, primjenjivat će se odredbe Zakona o privrednim društvima, Zakona o javnim preduzećima u Federaciji Bosne i Hercegovine i Statuta preduzeća".

Član 4.

U članu 23. stav 4. riječi: "Upravu bira Nadzorni odbor većinom glasova" zamjenjuje se riječima: "Uprava se bira, imenuje i razrješava u skladu sa postupkom utvrđenim u Statutu preduzeća".

Član 5.

U članu 30. stav 1. alineja 2. riječ "studiju" zamjenjuje se riječima "strategiju".

Član 6.

Članu 33. mijenja se i glasi:

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), člana 2. i 311. stav 2. Zakona o privrednim društvima ("Službene novine Federacije BiH", br. 23/99, 45/00, 2/02, 6/02, 29/03, 68/05, 91/07 i 84/08) i člana 2. stav 2. Zakona o javnim preduzećima u Federaciji Bosne i Hercegovine ("Službene novine Federacije BiH", br. 8/05, 81/08 i 22/09), Skupština Kantona Sarajevo, na sjednici održanoj 5. septembra 2011. godine, donijela je

ODLUKU

O IZMJENI ODLUKE O USKLADIVANJU STATUSA PREDUZEĆA CENTAR "SKENDERIJA" D.O.O. SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

Član 1.

U Odluci o usklađivanju statusa Preduzeća Centar "Skenderija" d.o.o. Sarajevo sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", br. 11/06, 26/08 i 25/09), u članu 34. stav 1. riječi: "dva člana" zamjenjuju se riječima: "četiri člana".

Član 2.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-19040-13/11 Predsjedavajuća
5. septembra 2011. godine Skupštine Kantona Sarajevo
Sarajevo Prof. dr. **Mirjana Malić**, s. r.

Na osnovu člana 12. tačka i) i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), čl. 2. i 311. stav 2. Zakona o privrednim društvima ("Službene novine Federacije BiH", br. 23/99, 45/00, 2/02, 6/02, 29/03, 68/05, 91/07 i 84/08) i člana 2. stav 2. Zakona o javnim preduzećima u Federaciji Bosne i Hercegovine ("Službene novine Federacije BiH", br. 8/05, 81/08 i 22/09), Skupština Kantona Sarajevo, na sjednici održanoj 5. septembra 2011. godine, donijela je

ODLUKU

O IZMJENI ODLUKE O USKLADIVANJU STATUSA JAVNOG PREDUZEĆA "TELEVIZIJA KANTONA SARAJEVO" SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

Član 1.

U Odluci o usklađivanju statusa Javnog preduzeća "Televizija Kantona Sarajevo" sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", br. 33/05, 30/08 i 25/09) u članu 36. stav 1. riječi: "dva člana" zamjenjuju se riječima: "četiri člana".

Član 2.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-19040-14/11 Predsjedavajuća
5. septembra 2011. godine Skupštine Kantona Sarajevo
Sarajevo Prof. dr. **Mirjana Malić**, s. r.

Ministarstvo zdravstva

Na osnovu člana 33., a u vezi sa članom 39. stav 3. Zakona o zdravstvenoj zaštiti ("Službene novine Federacije BiH", broj 46/10), člana 34. Zakona o zdravstvenom osiguranju ("Službene novine Federacije BiH", br. 30/97, 7/02 i 70/08) i člana 66. stav 1. i 2. Zakona o organizaciji organa uprave u Federaciji BiH

("Službene novine Federacije BiH", broj 35/05), Ministar zdravstva Kantona Sarajevo donosi

NAREDBU

O NAČINU ORGANIZOVANJA I FINANSIRANJA SPECIJALISTIČKO-KONSULTATIVNE DJELATNOSTI NA PODRUČJU KANTONA SARAJEVO

Član 1.

Djelatnost specijalističko-konsultativne zdravstvene zaštite sekundarnog nivoa, na području Kantona Sarajevo pruža se kroz obavljanje sljedećih specijalističkih disciplina:

1. interna medicina;
2. otorinolaringologija;
3. oftalmologija;
4. neurologija;
5. psihijatrija;
6. psihijatrija - ovisnosti o psihoaktivnim supstancama;
7. fizikalna medicina i rehabilitacija;
8. dermatovenerologija;
9. angiologija;
10. pedijatrija sa savjetovalištim;
11. pneumoftizologija;
12. infektologija;
13. hirurgija:
 - a) opća hirurgija,
 - b) abdominalna hirurgija,
 - c) grudna hirurgija,
 - d) dječja hirurgija,
 - e) vaskularna hirurgija,
 - f) neurohirurgija,
 - g) plastična i rekonstruktivna hirurgija;

14. ortopedija;
15. urologija;
16. traumatologija;
17. maksilofacijalna hirurgija;
18. ginekologija i akušerstvo;

Specijalističko-konsultativna zdravstvena zaštita iz oblasti stomatologije ostvaruje se u okviru sljedećih djelatnosti:

1. bolesti usta;
2. bolesti zuba;
3. ortodoncija;
4. dječija i preventivna stomatologija;
5. oralna hirurgija;
6. stomatološka protetika.

Član 2.

Dijagnostička specijalističko-konsultativna zaštita sekundarnog nivoa izvanbolničkih ustanova ostvaruje se u okviru sljedećih djelatnosti:

1. transfuziologija;
2. radiološka dijagnostika;
3. ultrazvučna dijagnostika;
4. laboratorijska djelatnost:
 - 4.1. hematološki laboratorij
 - 4.2. biohemijski laboratorij
 - 4.3. mikrobiološki laboratorij

Član 3.

Osigurana lica ostvaruju pravo na zdravstvene usluge iz specijalističko-konsultativne djelatnosti sekundarnog nivoa u okviru sljedećih disciplina: opće interne medicine, neurologije, otorinolaringologije i oftalmologije u matičnoj općini JU Dom zdravlja Kantona Sarajevo.

Sve specijalističke discipline koje nisu obuhvaćene stavom 1. ovog člana, će biti organizovane u JU Opća bolnica "Prim. dr. Abdulah Nakaš" Sarajevo i Kliničkom centru Univerziteta u Sarajevu.

Zdravstvene ustanove tipa zavoda, za specifičnu zaštitu pojedinih populacionih grupa, nastavljaju da obavljaju ovaj vid zaštite do potpune implementacije Zakona o zdravstvenoj zaštiti.

ODLUKU

O IZMJENI ODLUKE O USKLAĐIVANJU STATUSA DD PD "BUTMIR" ILIDŽA, SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

Član 1.

U Odluci o usklađivanju statusa DD PD "Butmir" Ilidža, Sarajevo sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", br. 6/06, 25/09, 22/11 i 3/12), u članu 33. stav 1. riječi: "četiri člana" zamjenjuju se riječima: "dva člana".

Član 2.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-31452/12
27. decembra 2012. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), člana 2. i 311. stav 2. Zakona o privrednim društvima ("Službene novine Federacije BiH", br. 23/99, 45/00, 2/02, 6/02, 29/03, 68/05, 91/07 i 84/08) i člana 2. stav 2. Zakona o javnim preduzećima u Federaciji Bosne i Hercegovine ("Službene novine Federacije BiH", br. 8/05, 81/08 i 22/09), Skupština Kantona Sarajevo, na 22. sjednici održanoj 27.12.2012. godine, donijela je

ODLUKU

O IZMJENI ODLUKE O USKLAĐIVANJU STATUSA PREDUZEĆA CENTAR "SKENDERIJA" D.O.O. SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

Član 1.

U Odluci o usklađivanju statusa Preduzeća Centar "Skenderija" d.o.o. Sarajevo sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", br. 11/06, 26/08, 25/09, 22/11 i 3/12), u članu 34. stav 1. riječi: "četiri člana" zamjenjuju se riječima: "dva člana".

Član 2.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-31453/12
27. decembra 2012. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), člana 2. i 311. stav 2. Zakona o privrednim društvima ("Službene novine Federacije BiH", br. 23/99, 45/00, 2/02, 6/02, 29/03, 68/05, 91/07 i 84/08) i člana 2. stav 2. Zakona o javnim preduzećima u Federaciji Bosne i Hercegovine ("Službene novine Federacije BiH", br. 8/05, 81/08 i 22/09), Skupština Kantona Sarajevo, na 22. sjednici održanoj 27.12.2012. godine, donijela je

ODLUKU

O IZMJENI ODLUKE O USKLAĐIVANJU STATUSA KANTONALNOG ŠUMSKOG PRIVREDNOG DRUŠTVA ZA GOSPODARENJE DRŽAVNIM ŠUMAMA "SARAJEVO-ŠUME" D.O.O. SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

Član 1.

U Odluci o usklađivanju statusa Kantonalnog šumskog privrednog društva za gospodarenje državnim šumama "Sarajevo-šume" d.o.o. Sarajevo sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", br. 6/06, 29/07, 25/09, 22/11 i 3/12), u članu 32. stav 1. riječi: "četiri člana" zamjenjuju se riječima: "dva člana".

Član 2.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-31454/12
27. decembra 2012. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), čl. 2. i 311. stav 2. Zakona o privrednim društvima ("Službene novine Federacije BiH", br. 23/99, 45/00, 2/02, 6/02, 29/03, 68/05, 91/07, 84/08 i 63/10), i člana 2. stav 2. Zakona o javnim preduzećima u Federaciji Bosne i Hercegovine ("Službene novine Federacije BiH", br. 8/05, 81/08 i 22/09), Skupština Kantona Sarajevo, na 22. sjednici održanoj 27.12.2012. godine, donijela je

ODLUKU

O IZMJENI ODLUKE O USKLAĐIVANJU STATUSA KANTONALNOG JAVNOG KOMUNALNOG PREDUZEĆA "GRADSKI SAOBRAČAJ" D.O.O. SARAJEVO SA ZAKONOM O JAVNIM PREDUZEĆIMA U FEDERACIJI BOSNE I HERCEGOVINE

Član 1.

U Odluci o usklađivanju statusa Kantonalnog javnog komunalnog preduzeća "Gradski saobraćaj" d.o.o. Sarajevo sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", broj 33/05, 25/09, 11/11 ispravka, 14/11 i 22/11), u članu 33. stav (1), riječi: "četiri člana", zamjenjuje se riječima: "dva člana".

Član 2.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-31455/12
27. decembra 2012. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.

Na osnovu člana 12. tačka i) i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), čl. 2. i 311. stav 2. Zakona o privrednim društvima ("Službene novine Federacije BiH", br. 23/99, 45/00, 2/02, 6/02, 29/03, 68/05, 91/07 i 84/08) i člana 2. Zakona o javnim preduzećima ("Službene novine Federacije BiH", br. 8/05, 81/08 i 22/09), Skupština Kantona Sarajevo, na sjednici održanoj dana 27.12.2012. godine, donijela je

ODLUKU

O IZMJENI ODLUKE O USKLAĐIVANJU STATUSA JAVNOG PREDUZEĆA "TELEVIZIJA KANTONA SARAJEVO" SA ZAKONOM O JAVNIM PREDUZEĆIMA FEDERACIJE BOSNE I HERCEGOVINE

Član 1.

U Odluci o usklađivanju statusa Javnog preduzeća "Televizija Kantona Sarajevo" sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", br. 33/05, 30/08, 25/09, 22/11 i 3/12), u članu 36. stav 1. riječ "četiri" se zamjenjuje riječju "dva".

Član 2.

Ova odluka stupa na snagu danom objavljivanja u "Službenim novinama Kantona Sarajevo".

Broj 01-05-31456/12 Predsjedavajuća
27. decembra 2012. godine Skupštine Kantona Sarajevo
Sarajevo Prof. dr. **Mirjana Malić**, s. r.

Na osnovu člana 18. tačka b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 31/04), člana 28. Zakona o zaštiti prava pripadnika nacionalnih manjina u Kantonu Sarajevo ("Službene novine Kantona Sarajevo", broj 27/11) i člana 59. Poslovnika Skupštine Kantona Sarajevo ("Službene novine Kantona Sarajevo" - Drugi novi prečišćen tekst, broj 41/12), Skupština Kantona Sarajevo, na sjednici održanoj dana 27.12.2012. godine donijela je

ODLUKU

O DAVANJU SAGLASNOSTI NA POSLOVNIK O RADU VIJEĆA NACIONALNIH MANJINA KANTONA SARAJEVO

I

Daje se saglasnost na Poslovnik o radu Vijeća nacionalnih manjina Kantona Sarajevo, s tim da se u članu 5. stav 1. briše odredba koja glasi: "Stalni predstavnici Vijeća u Komisiji za pravdu, ljudska prava i građanske slobode i Komisiji za ustavna pitanja, imaju status vanjskih članova Komisija sa pravom glasa."

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-31457/12 Predsjedavajuća
27. decembra 2012. godine Skupštine Kantona Sarajevo
Sarajevo Prof. dr. **Mirjana Malić**, s. r.

Na osnovu člana 28. Zakona o pravima pripadnika nacionalnih manjina u Kantonu Sarajevo ("Službene novine Kantona Sarajevo", broj 27/11), Vijeće nacionalnih manjina Kantona Sarajevo, uz suglasnost Skupštine Kantona Sarajevo, na sjednici održanoj dana 14.09.2012. godine usvojilo je

POSLOVNIK

O RADU VIJEĆA NACIONALNIH MANJINA KANTONA SARAJEVO

I. OSNOVNE ODREDBE

Član 1.

Obim Poslovnika

- (1) Ovim poslovníkom, u skladu sa odredbama Zakona o pravima pripadnika nacionalnih manjina u Kantonu Sarajevo uređuje se: organizacija, način rada i druga pitanja od značaja za rad

Vijeća nacionalnih manjina Kantona Sarajevo (u daljem tekstu: Vijeće).

- (2) Skupština Kantona Sarajevo, osniva Vijeće nacionalnih manjina Kantona Sarajevo kao stalno savjetodavno tijelo.

Član 2.

Sjedište Vijeća

Sjedište Vijeća je u Sarajevu, u prostorijama Kantona Sarajevo, u ulici Obala Kulina bana br. 4.

Član 3.

Dopuna Poslovnika

Ako neko pitanje u vezi sa radom Vijeća nije uređeno ovim poslovníkom, uređit će se zaključkom Vijeća.

II. CILJEVI VIJEĆA

Član 4.

Vijeće pokreće inicijative i podnosi nacрте zakona, odluka i drugih akata iz nadležnosti Skupštine Kantona, daje prijedloge za izmjenu i dopunu prijedloga zakona, odluka i drugih akata u obliku amandmana, prati stanje i primjenu propisa, zauzima stavove, daje prijedloge i preporuke organima vlasti u Kantonu, po svim pitanjima koja su od značaja za položaj i ostvarivanje prava pripadnika nacionalnih manjina u Kantonu Sarajevo.

Član 5.

- (1) Vijeće delegira po jednog stalnog predstavnika u Komisiju za pravdu, ljudska prava i građanske slobode i Komisiju za ustavna pitanja Skupštine Kantona.
- (2) Vijeće i može povremeno delegirati po jednog predstavnika koji će učestvovati u radu drugih komisija i radnih tijela Skupštine Kantona, kada se raspravlja o stanju ljudskih prava u Kantonu, uključujući i prava pripadnika nacionalnih manjina, te kada se razmatraju predstave i žalbe pripadnika nacionalnih manjina i druga pitanja od značaja za ostvarivanje prava i obaveza pripadnika nacionalnih manjina.
- (3) Vijeće može angažirati stalne savjetnike odnosno povremeno angažirati eksperte za određene oblasti iz reda pripadnika nacionalnih manjina, ali i neovisne eksperte iz reda pripadnika konstitutivnih naroda.
- (4) Vijeće podržava rad registrovanih udruženja građana pripadnika nacionalnih manjina u Kantonu Sarajevo.

III. ORGANIZACIJA, SASTAV I TIJELA VIJEĆA

Član 6.

Vijeće

- (1) Vijeće čine po jedan predstavnik nacionalne manjine iz člana 3. Zakona o pravima pripadnika nacionalnih manjina u Kantonu Sarajevo ("Službene novine Kantona Sarajevo", broj 27/11).
- (2) Skupština Kantona Sarajevo (u daljem tekstu: Skupština), imenuje Vijeće na prijedlog udruženja pojedine nacionalne manjine koje ima registrirano sjedište na teritoriji Kantona Sarajevo.

Član 7.

- (1) Mandat članova Vijeća traje četiri godine.
- (2) U opravdanim slučajevima, Skupština tokom trajanja mandata može provesti postupak zamjene člana Vijeća, na prijedlog udruženja pojedine nacionalne manjine koja ima registrovano sjedište na teritoriji Kantona i Komisije za pravdu, ljudska prava i građanske slobode Skupštine, uz navođenje opravdanih razloga za predloženu zamjenu.

Član 8.

- (1) Konstituirajuću sjednicu Vijeća svojim potpisima saziva dvotrećinska većina imenovanih predstavnika nacionalnih manjina. Konstituirajuća sjednica Vijeća može započeti rad ako je na sjednici prisutna većina od ukupnog broja imenovanih predstavnika nacionalnih manjina.
- (2) Vijeće se konstituira izborom predsjedavajućeg i dva zamjenika između imenovanih članova Vijeća.